

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-702/23
Sarajevo, 16.2.2023. godine

Z A P I S N I K
**2. VANREDNE SJEDNICE DOMA NARODA PARLAMENTA FEDERACIJE BOSNE
I HERCEGOVINE, održane 16.2.2023. godine**

Sjednica je počela sa radom u 16 sati i 14 minuta.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate, predstavnike Vlade, medije, predstavnike međunarodnih organizacija, gospođu Lidiju Bradaru, gospodina Refika Lendu i gospodina Igora Stojanovića, kao i aktuelnu potpredsjednicu Federacije BiH.

Prema evidenciji Stručne službe sjednici prisustvuje 74 delegata što čini većinu, pa Dom naroda može raditi i punovažno odlučivati.

Predsjedavajući je pozvao prisutne da prije nego što počnu sa radom, minutom šutnje odaju počast tragično nastradalim u zemljotresu u Turskoj i Siriji.

Kolegij Doma naroda je predložio da se u dnevni red uvrsti tačka - Verifikacija mandata delegatu u Domu naroda Parlamenta Federacije BiH Aljoši Čampari, umjesto Kemala Ademovića koji je postao delegat u Domu naroda Parlamentarne skupštine BiH, i podnio ostavku na dužnost delegata u Domu naroda Parlamenta Federacije BiH.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 70 glasova za, bez suzdržanih i bez glasova protiv.

Također, Kolegij je predložio da se u dnevni red sjednice uvrsti tačka Prijedlog zakona o izmjenama Zakona o osnovama socijalne zaštite, civilnih žrtava rata i zaštite porodice sa djecom - skraćeni postupak, koji je podnio Irfan Čengiđ, delegat u Domu naroda Parlamenta Federacije BiH.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 74 glasa za, bez suzdržanih i bez glasova protiv.

Na osnovu rezultata glasanja, predsjedavajući je konstatovao da je Dom naroda, sa 74 glasa za, bez suzdržanih i bez glasova protiv, prihvatio sljedeći:

DNEVNI RED

1. Verifikovanje mandata delegatu u Domu naroda Parlamenta Federacije Bosne i Hercegovine
2. Izjašnjenje o listi kandidata za predsjednika i potpredsjednika Federacije Bosne i Hercegovine
3. Prijedlog zakona o izmjenama Zakona o osnovama socijalne zaštite, zaštite civilnih žrtava rata i zaštite porodice s djecom - predlagač Irfan Čengić, delegat u Domu naroda Parlamenta Federacije Bosne i Hercegovine - skraćeni postupak
4. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za finansiranje Projekta "Otpornost i konkurentnost u poljoprivredi"

1. Verifikovanje mandata delegatu u Domu naroda Parlamenta Federacije Bosne i Hercegovine

Centralna izborna komisija Bosne i Hercegovine obavijestila je Dom naroda da je prestao mandat Kemal Ademoviću radi prelaska na novu dužnost i da je dodijeljen mandat delegatu Aljošu Čampari, delegatu Doma naroda Parlamenta Federacije BiH iz reda bošnjačkog naroda.

Mandatno-imunitetska komisija je razmatrala ovaj prijedlog i dostavila izvještaj.

Predstavnik privremene mandatno-imunitetske komisije Vibor Handžić je obrazložio izvještaj.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 75 glasova za, dva glasa protiv i bez suzdržanih glasova, prihvatio izvještaj privremene mandatno - imunitetske komisije.

Predsjedavajući je čestitao gospodinu Čampari na verifikaciji mandata.

2. Izjašnjavanje o Listi kandidata za predsjednika i potpredsjednike Federacije Bosne i Hercegovine

Predsjedavajući je istakao da je u skladu sa Amandmanom 120. na Ustav Federacije BiH za izbor predsjednika i dva potpredsjednika Federacije Bosne i Hercegovine potrebno prihvatanje liste koju sačinjavaju tri kandidata, po jedan kandidat iz svakog konstitutivnog naroda predloženog u odgovarajućim klubovima konstitutivnih naroda u Predstavničkom, a zatim i u Domu naroda.

Predstavnički dom obavijestio je je Dom naroda da je na 2.vanrednoj sjednici održanoj 16.2.2023.godine donio odluku o prihvatanju odnosno odobravanju liste od tri kandidata za izbor predsjednika i dva potpredsjednika Federacije BiH:

- 1.Lidija Bradara iz reda hrvatskog naroda
- 2.Refik Lendo iz reda bošnjačkog naroda
- 3.Igor Stojanović iz reda srpskog naroda

Vesna Saradžić, predstavnica privremene Komisije za izbor i imenovanja, je obrazložila izvještaj.

U raspravi niko nije učestvovao.

Na osnovu rezultata glasanja, predsjedavajući je konstatovao da je Izvještaj Privremene komisije za izbor i imenovanje dobio potrebnu većinu sa 77 glasova za, bez suzdržanih i bez glasova protiv.

U raspravi niko nije učestvovao.

Kolegij Doma naroda je predložio da se u cilju dostavljanja kompletnih izbornih materijala Centralnoj izbornoj komisiji, usvoji Zaključak da se o Prijedlogu odluke o prihvatanju Liste od tri kandidata za predsjednika i potpredsjednika Federacije Bosne i Hercegovine izvrši pojedinačno glasanje.

Na osnovu rezultata glasanja, predsjedavajući je konstatovao da je sa 64 glasa za, četiri suzdržana i tri glasa protiv, ovaj zaključak dobio potrebnu većinu.

Sekretar Doma naroda, gospodin Izmir Hadžiavdzić, je izvršio pojedinačno izjašnjavanje delegata kako bi glasali za zajedničku listu koju je prihvatio Predstavnički dom.

Na osnovu rezultata glasanja, predsjedavajući je konstatovao da je sa 79 glasova za, bez suzdržanih i bez glasova protiv, Dom naroda Parlamenta Federacije Bosne i Hercegovine prihvatio Listu od tri kandidata za izbor predsjednika i dva potpredsjednika Federacije Bosne i Hercegovine.

Predsjedavajući Doma naroda Tomislav Martinović je saopštio prisutnim delegatima, da kandidate za predsjednika i potpredsjednika Federacije rezervisana Ovalna sala 109 na prvom spratu gdje će odlučiti ko će obavljati funkciju predsjednika i potpredsjednika i da o tome obavijeste Predstavnički dom i Dom naroda Parlamenta Federacije Bosne i Hercegovine kao i Centralnu izbornu komisiju Bosne i Hercegovine.

3. Prijedlog zakona o izmjenama zakona o osnovama socijalne zaštite, zaštite civilnih žrtava rata i zaštite porodice sa djecom - skraćeni postupak

Predlagač zakona je Irfan Čengić, delegat u Domu naroda Parlamenta Federacije Bosne i Hercegovine.

Predstavnički dom obavijestio je Dom naroda da je na nastavku 35. sjednice, održane 27.7.2022.godine, usvojio Prijedlog zakona o izmjenama zakona o osnovama socijalne zaštite, zaštite civilnih žrtava rata i zaštite porodice sa djecom u tekstu kako su ga predložili tadašnji poslanik u Predstavničkom domu Irfan Čengić i delegat u Domu naroda Jasminko Kapić.

Vlada Federacije Bosne i Hercegovine je dostavila mišljenje na tekst zakona kao i nadležna radna tijela.

Prijedlog zakona obrazložio je Irfan Čengić.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 74 glasa za, bez suzdržanih i bez glasova protiv, usvojio Prijedlog zakona o izmjenama Zakona o osnovama socijalne zaštite, zaštite civilnih žrtava rata i zaštite porodice sa djecom.

4. Prijedlog odluke o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za finansiranje Projekta „Otpornost i konkurentnost u poljoprivredi“

Prijedlog odluke utvrdila je Vlada Federacije BiH.

Predstavnički dom obavijestio je Dom naroda da je na 2.vanrednoj sjednici, održanoj 16.2.2023.godine donio Odluku o prihvatanju zaduženja po Sporazumu o zajmu između Međunarodne banke za obnovu i razvoj i Bosne i Hercegovine za finansiranje Projekta „Otpornost i konkurentnost u poljoprivredi“.

Prijedlog odluke razmatrala su i nadležna radna tijela.

Prijedlog odluke obrazložila je gospođa Jelka Milićević, ministrica finansija i zamjenica premijera Vlade Federacije BiH.

U raspravi su učestvovale Sanela Klarić i Jelka Milićević.

Sanela Klarić je predložila da Dom naroda usvoje sljedeće:

Z A K L J U Č K E:

1. Obavezuje se Dom naroda Parlamenta FBiH da na prvoj redovnoj sjednici predloži usvajanje po skraćenom postupku Prijedloga zakona o izmjeni i dopuni Zakona o novčanim potporama u poljoprivredi i ruralnom razvoju u skladu sa članom 164. Poslovnika o radu Doma naroda Parlamenta Federacije BiH.

2. Obavezuje se Vlada FBiH da u 2023. godini kao prioritet provede dugo planirani poljoprivredni popis koji je neophodan za održivo implementiranje ovog kredita, čiji je primarni cilj jačanje poljoprivrednih informatičkih sistema.
3. Obavezuje se Dom naroda Parlamenta Federacije BiH da usvoji Zaključak Vlade Federacije BiH o primjeni postojeće Strategije do usvajanja nove.
4. Obavezuje se Dom naroda Parlamenta FBiH da osnuje radnu grupu, a koja će provjeriti ulaganja u poljoprivredu u posljednjih pet godina kroz novčane poticaje iz budžeta Federacije BiH te će svojim preporukama osigurati sveobuhvatni nadzor nad korištenjem ovih sredstava.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine sa 69 glasova za, jednim suzdržanim i bez glasova protiv, usvojio Odluku o prihvatanju zaduženja po Sporazumu o zajmu između Međunarodne banke za obnovu i razvoj (IBRD) i Bosne i Hercegovine za finansiranje Projekta „Otpornost i konkurentnost u poljoprivredi“.

Na osnovu rezultata glasanja, predsjedavajući je konstatovao da su sa 65 glasova za, uz dva suzdržana i bez glasova protiv, zaključci koje je predložila Sanela Klarić, dobili potrebnu većinu.

Sjednica je završila s radom u 17 sati i 04 minuta.

* * *

Transkript sjednice čini sastavni dio Zapisnika.

* * *

SEKRETAR
Izmir Hadžić

PREDSJEDAVAJUĆI
Tomislav Martinović